

Oqaluuserisassat:

Imm. 01 Oqaluuserisassat akuersissutigineqarneri

Aningaasaqarnermut tunngasut

Imm. 3.1 Aningaasaqarnermut ataatsimiititaliap 28.02.2025, aningaasaqarnermut oqimaaqatigiissitsinera, kisitsisit 05.03.2025 naatsorsorneqartut.

Imm. 3.2 Pillorissaasutut atorfiup Peqqinnissaqarfik peqatigalugu avitseqatigiilluni atorfinngortinneqarnissaa pillugu allannguutissatut qinnuteqaat

Imm. 3.3 Sisimiuni Pisortat ikiorsiissutaannik pisartagaqartunik inuttut ineriartornissamut oqaloqatiginninnermik suliniummut atatillugu nuutsisoqarnissaanik qinnuteqaat.

Imm. 8.1 Tamalaat

Ataatsimiinneq videokonference atorlugu ingerlanneqassaq nal. 08.30

Atassut

Siverth K. Heilmann

Inuit Ataqtigiiit

Juliane Enoksen

Siumut

Malik Berthelsen

Evelyn Mølgaard

Abel Enoksen

Peqataangitsut

Siverth K. Heilmann – teknikkikkut ajutoortoqarnerani peqataangitsoortoq

Imm. 01 Oqaluuserisassat akuerineqarneri

Aalajangiineq

Oqaluuserisassat akuersissutigineqarput.

Imm. 3.1 Aningaasaqarnermut ataatsimiititaliap 28.02.2025, aningaasaqarnermut oqimaaqatigiissitsinera, kisitsisit 05.03.2025 naatsorsorneqartut.

J.nr. 06.01.00

Aningaasaqarnermut ataatsimiititaliamut 2025-mi februaarip 28-anni qaammatikkaartumik oqimaaqatigiissitsineq

Eqitsit 1 Qeqqata Kommuniata Aningaasaqarneranut aningaasaqarnikkut takussutissiaq

	ÁTD 2023	ÁTD 2024	ÁTD 2025	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
Samlede Indtægter	-108.707.185	-159.115.224	-85.842.123	8,6%	51,9%	-993.092.000			-993.092.000	-907.249.877
Økonomi Udvalg	13.937.524	16.190.433	17.900.305	17,3%	103,9%	103.366.000			103.366.000	85.465.695
Teknik Udvalg	14.093.411	19.164.882	16.793.253	21,8%	130,5%	77.197.000			77.197.000	60.403.747
Uddannelses Udvalg	48.321.636	50.147.804	51.548.565	17,3%	103,6%	298.587.000			298.587.000	247.038.435
Velfærdsudvalg	62.670.243	64.958.965	67.129.850	17,1%	102,9%	391.554.000			391.554.000	324.424.150
Samlede Driftsudgifter	139.022.814	150.462.085	153.371.972	17,6%	105,7%	870.704.000			870.704.000	717.332.028
Resultat før Anlægsudgifter	30.315.629	-8.653.139	67.529.849	-55,2%	-331,1%	-122.388.000	0	0	-122.388.000	-189.917.849
Økonomi udvalg	131.383	140.764	134.585	3,3%	19,6%	4.126.000			4.126.000	3.991.415
Anlægsudgifter	7.448.508	11.440.228	5.811.149	3,4%	20,6%	168.937.000			168.937.000	163.125.851
Samlede anlægsudgifter	7.579.892	11.580.993	5.945.734	3,4%	20,6%	173.063.000			173.063.000	167.117.266
Balance ÁTD	37.895.521	2.927.854	73.475.584	145,0%	870,0%	50.675.000			50.675.000	-22.800.584

Isertitat 85,8 mio. koruuninik annertussuseqarput aammalu ukioq kingulleq piffissap taamaalineranit 73,3 mio. koruuninik ikinnerullutik. Tamanna januaarimut inuit akileraarutaannit akiliutit suli naatsorsuutitut ikkunneqannginnerinik februaarilluunniit qaammataanut akiliutinik tigusaqartoqarnikuunnginneranik peqquteqarpoq. Isertitat taakku maannakkut piffissakkaartunngortinneqassapput, taamaalilluni oqimaaqatigiissitsilluni suliani eqqortumik takuneqarsinnaassallutik. Isertitanut suli naatsorsuutitut ilanngunneqanngitsunut taakkununga iluarsiissuteqartoqarpat, ukioq manna ullumikkumut isertitat 151,5 mio. koruuninik annertussuseqassapput.

2025-mi ukiup qaammataannut siullernut marlunnut ingerlatsinermi aningaasartuutit tamakkiisut 153,3 mio. koruuninik annertussuseqarput tamannalu 6 procentiuvoq imaluunniit missingersuutaasut 8,2 mio. koruuninik qaanneqqallugit.

Ingerlatsinermi aningaasartuutit ukioq kingulleq piffissap taamaalinerani atuinermi 2,9 mio. koruuninik qaffasinnerupput, tullinnguuttutut agguataarsimallutik: Aningaasaqarnermut ataatsimiititaliaq 1,7 mio. koruunit, Teknikkeqarnermut ataatsimiititaliaq -2,4 mio. koruunit, Iliniartitaanermut ataatsimiititaliaq 1,4 mio. koruunit aamma Atugarissaarnermut ataatsimiititaliaq 2,2 mio. koruunit.

Ukioq manna februaarimi sanaartornernut ineriartortitsinernilu aningaasartuutit 5,9 mio. koruunit atornerqarput, ukioq kingullermut piffissap taamaalineranut atuinermut sanilliullugu 5,6 mio. koruuninik appasinnerullutik.

Ukioq manna februaari 73,5 mio. koruuninik pitsaanngitsumik angusaqarfiuvoq tamannalu ukioq kingullermut piffissap taamaalineranut sanilliullugu 70,5 mio. koruuninik qaffasinnerulluni. Isertitat

naatsorsuutitut ilanngunneqanngitsunut iluarsiissuteqartoqarnerata kingorna 4,5 mio. koruuninik sinneqartoormermik inerneqassaaq.

Ullu 14-ikkaarlugit akissarsialinnut pingasoriarluni akissarsititsisoqarnikummat, 2025-mi januaarimut akissarsianut aningaasartuutit immikkut qaffasissuseqarput. Ukiumut marloriarluni tamanna pisarpoq. Akunermusialinnut akissarsititsisarneq 5,4 mio. koruuninik annertussuseqarpoq. 2024-mi qaffasissusermut sanilliullugu akunermusialinnut akissarsititsinerit 0,3 mio. koruuninik qaffariaateqarput.

Eqitsit 2: Akissarsianut aningaasartuutitut takussutissiaq

Udvalg/ Løntype	ÅTD 2023	ÅTD 2024	ÅTD 2025	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
Økonomi Udvalg	8.035.227	7.921.093	8.048.780	15,2%	91,5%	52.788.000			52.788.000	44.739.220
Teknik Udvalg	7.295.730	7.638.092	8.761.040	18,5%	111,1%	47.304.000			47.304.000	38.542.960
Uddannelses Udvalg	36.592.918	35.986.769	40.020.158	17,4%	104,5%	229.776.000			229.776.000	189.755.842
Velfærdsudvalg	22.715.629	24.590.815	28.223.794	18,6%	111,8%	151.467.000			151.467.000	123.243.206
Samlede Lønudgifter på Udvalg	74.639.504	76.136.769	85.053.771	17,7%	106,0%	481.335.000			481.335.000	396.281.229
Timeløn	20.964.228	20.572.660	27.547.047	19,8%	118,8%	139.127.000		139.127.000		111.579.953
Månedsløn	51.716.337	52.588.243	54.093.323	16,5%	99,2%	327.108.000		327.108.000		273.014.677
Vikar	977.894	1.947.316	2.406.348	29,2%	175,3%	8.234.000		8.234.000		5.827.652
Vederlag til Politikere	981.045	1.028.549	1.007.053	14,7%	88,0%	6.866.000		6.866.000		5.858.947
Samlet Lønudgift	74.639.504	76.136.769	85.053.771	17,7%	106,0%	481.335.000		481.335.000		396.281.229

Februaarimi akissarsianut aningaasartuutit 85,1 mio. koruuninik annertussuseqarput missingersuutaasuniillu 6,0 procentimik qaffasinnerullutik, aningaasanngorlugu 5,9 mio. koruuninik annertussuseqarlutik. Immikkut ullunut 14-inut akissarsititsisarnernut akissarsianut aningaasartuutit iluarsiiffigineqarpata missingersuutit qaffasissusaannit akissarsianut aningaasartuutit iluarsiissuteqarfigineqarnikuusut 98,1 procentimik annertussuseqassapput, tamannalu 1,1 mio. koruuninik atuinikinnerunerussaaq.

Ukioq manna ullumikkumut akunermusialinnut aningaasartuutit 18,8 procentiipput aningaasanngorlugit 4,4 mio. koruuniullutik, qaammammusialinnut aningaasartuutit missingersuutaasunit 0,8 procent aningaasanngorlugu 0,4 mio. koruuninik appasinnerullutik. Paarlatsinut aningaasartuutit missingersuutaasut 75,3 procentimik aningaasanngorlugit 1,0 mio. koruuninik qaanneqqavaat.

Aningaasaqarnermut ataatsimiititaliaq 0,7 mio. koruuninik atuinikinneruvoq, Teknikkeqarnermut ataatsimiititaliaq 0,9 mio. koruuninik atuineruffiuvoq, Ilinniartitaanermut ataatsimiititaliaq 1,7 mio. koruuninik atuineruffiuvoq Atugarissaarnermullu ataatsimiititaliaq 3,0 mio. koruuninik atuineruffiuvoq.

Ataatsimiititaliani ingerlatsinerimut aningaasartuutit

Akissarsiat ilanngunnagit ingerlatsinerimi aningaasartuutit tamakkiisut 5,0 procentiupput imaluunniit missingersuutaasunit 3,4 mio. koruuninik qaffasinnerullutik. Taanna 2024-mi piffissap taamaalineranut sanilliullugu 6,0 mio. koruuninik appariarneruvoq.

Aningaasaqarnermut ataatsimiititaliaq

Eqitsit 3-mi takuneqarsinnaavoq Aningaasaqarnermut immikkoortortaq ingammik annertuumik atuivallarfiusoq, tamannalu kommunip sillimmasiissutaasa amerlanersai januaarimi februaarimilu akilerneqartarnerinik peqquteqarpoq. Ukiup qaammataannut aqqaneq-marlunnet assigiimmik

februaarimut aningaasartuutit piffissakkaartunngortinneqarpata, aningaasaqarnermut immikkoortortami atuivallaarneq oqimaaqatigiilissaaq.

Taamaattorli Sulisoqarnermut immikkoortortaq 43,8 procentinik aningaasanngorlugu 0,6 mio. koruuninik atuivallaarfiuvoq. Sulisoqarnermut immikkoortortami sulinngiffeqarnermi akiliunneqarluni angalanernut kiisalu nutaanik atorfinitsitsinernut aningaasartuutininik tunniussinernik atuivallaarneq peqquteqarneruvoq.

Eqitsit 3: Ataatsimiititaliani ingerlatsinermut aningaasartuutit

	ÁTD 2023	ÁTD 2024	ÁTD 2025	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
Økonomi Udvalg										
Total	5.902.297	8.269.340	9.851.526	19,5%	116,9%	50.578.000			50.578.000	40.726.474
Administration	-524.330	1.469.224	1.373.416	14,3%	86,1%	9.571.000			9.571.000	8.197.584
Borgerservice ØKO	181.407	132.588	156.486	11,5%	68,7%	1.366.000			1.366.000	1.209.514
Budget Buffer ØU						5.258.000			5.258.000	5.258.000
Folkevalgte	165.284	423.803	242.554	6,0%	36,2%	4.019.000			4.019.000	3.776.446
HR	1.845.698	1.508.076	2.030.078	24,0%	143,8%	8.469.000			8.469.000	6.438.922
IT	978.874	1.145.076	1.112.769	13,9%	83,6%	7.990.000			7.990.000	6.877.231
Økonomi	1.220.581	1.412.215	3.172.893	48,9%	293,6%	6.485.000			6.485.000	3.312.107
Projekter	92.352	251.570	-609.546	-118,4%	-710,2%	515.000			515.000	1.124.546
Stab	0									
Tværgående projekter	1.942.432	1.926.789	2.372.874	34,4%	206,2%	6.905.000			6.905.000	4.532.126
Teknik Udvalg										
Total	6.797.681	11.526.791	8.032.213	26,9%	161,2%	29.893.000			29.893.000	21.860.787
Uddannelses Udvalg										
Total	11.728.718	14.161.035	11.528.407	16,8%	100,5%	68.811.000			68.811.000	57.282.593
Velfærdsudvalg										
Total	39.954.615	40.368.150	38.906.056	16,2%	97,2%	240.087.000			240.087.000	201.180.944
Driftsomkostninger i alt	64.383.310	74.325.316	68.318.201	17,5%	105,3%	389.369.000			389.369.000	321.050.799

Teknikkeqarnermut ataatsimiititaliaq

Ataatsimiititaliaq 61,2 procentinik aningaasanngorlugu 3.1 mio. koruuninik atuivallaarfiuvoq. 2024-mut sanilliullugu atuneq 3,5 mio. koruuninik appasinneruvoq.

Atuivallaarneq Sisimiuni aputaajaasarnermik 1.5 mio. koruuninik kiisalu eqqagassat ikullassinnaasunik Esani-mik ingerlatsinermut isumaqatigiissut 2.3 mio. koruunit 2025-p ukiup affaani siullermut naatsorsuutitut ikkunneqarsimanerannik peqquteqarneruvoq.

Ilinniartitaanermut ataatsimiititaliaq

Ataatsimiititaliaq 0,5 procentinik aningaasanngorlugu 0,1 mio. koruuninik atuivallaarfiuvoq. 2024-mut sanilliullugu atuneq 2,6 mio. koruuninik appasinneruvoq.

Atugarissaarnermut ataatsimiititaliaq

Ataatsimiititaliaq 2,8 procentinik aningaasanngorlugu 1,1 mio. koruuninik atuinikinneruffiuvoq. 2024-mut sanilliullugu atuneq 1,5 mio. koruuninik appasinneruvoq. Atuinikinneruneq annertunerusumik Atugarissaarneq MAN 3,6 mio. koruuninik aamma napparsimmavinni paaqqatarineqarluni uninngatitsinerni 0,9 mio. koruuninik inissisimaneruvoq.

Isertitat


Eqitsit 4: Qeqqata Kommunianut isertitat

Udvalg / Løntype	ÅTD 2023	ÅTD 2024	ÅTD 2025	Forbrugs %	Relativt Forbrugs %	OPR Budget	OMP	TB	Nyt Budget	Rest Budget
Indtægter										
111010100: Indkomstskat personer	-35.906.553	-79.658.020				-476.767.000			-476.767.000	-476.767.000
111010200: Indkomstskat selskaber						-4.000.000			-4.000.000	-4.000.000
111010300: Udbytteskatter		-2.506.850				-9.000.000			-9.000.000	-9.000.000
112030100: Bloktilskud fra Grønlands	-52.150.832	-54.827.166	-63.289.666	17%	100%	-379.738.000			-379.738.000	-316.448.334
112030300: Udligningsordning	-19.151.334	-21.067.500	-21.981.000	20%	119%	-110.405.000			-110.405.000	-88.424.000
121030200: Andre gebyrer	-6.995	-2.748				-3.080.000			-3.080.000	-3.080.000
131010400: Salg af bygninger						-1.520.000			-1.520.000	-1.520.000
133010100: Renteindtægter	-18.403	-33.169				-12.000			-12.000	-12.000
133010200: Kapitalafkast	-2.184.896	-1.088.222	-1.091.373	10%	59%	-11.185.000			-11.185.000	-10.093.627
134010100: Renteudgifter						1.500.000			1.500.000	1.500.000
134010200: Kurstab	206.400									
135010100: Afskrivning af tilgodehavender	505.428	68.451	519.916	47%	280%	1.115.000			1.115.000	595.084
Samlede indtægter	-108.707.185	-159.115.224	-85.842.123	9%	52%	-993.092.000			-993.092.000	-907.249.877


Februaarimi kommunip isertitai tamakkiisut 85,8 mio. koruuninik annertussuseqarput, tamannalu ukiup siulianut sanilliullugu 73,3 mio. koruuninik appariarneruvoq. Piffissakkaartunnngortitsineq naammassineqarsimasuuppat ukioq mannamut ullumimut isertitat tamakkiisut 151,5 mio. koruuniussagalarput.

Kommunip akiliisinnaassusia:

Takusutissiaq 1: Qaammatini 12-ini akiliisinnaassuseqarneq



Takusutissiaq 2: Qaammatini kingullerni aqqaneq-marlunni Akiitsortit/Pisiortorfinnit akiligassat ineriartornerat



2024-mi marsip aallaqqaataanniit 2025-mi marsip aallaqqaata tungaanut kommunip akiliisinnaassusaa 20,3 mio. koruuninik appariaateqarnikuuvq, tamannalu nalunaarusiornerup nalaani 2025-mi februaarimut akileraarutitigut isertitassanik nuutassanik 38 mio. koruuniusunik kommuni sulitigusaqannginneranik peqquteqarneruvoq.

Akiliisinnaassutsimi allannguutit akileraarutinit akiliutinit aamma ataatsimut tapiissutinit isertitanit pinngitsuisinnaanngilaq, tassungalugu 2024-mi decembarimi 2025-milu januaarimi

akiliisinnaassutsip qaffariarnikuuneranut peqqutaavoq. Ingammik inuit akileraarutaannit tranche II-mit malunnaatilimmik sunnerneqaqqavoq.

Ilutigitillugu akiligassiisutinit kommunip akiliisarneranit akiliisinnaassuseq sunnerneqarpoq. 2024-mi novembarimiit 2025-mi januaarimut pisiortorfiit akiligssaat annertunerusumik allanguuteqarnikuunngilaq kommunimulli akiligassallit piffissami tassani akiitsutit akilernikuuat. Taassuma 2024-mi novembarip naanerani pisassat 59 mio. koruuniniit 2025-mi februaarip naanerani 12 mio. koruuninut appartinnikuuaa. Taamaaliornikkut akiliisinnaassutsimi akiitsortit akiliutaannaat immikkut 47 mio. koruuninik tapertaanikuupput.

Kommunimut akiitsut

Qeqqata Kommunianut kommunip pisassai tamakkerlutik 2025-mi februaarip 28-anni katillugit 123,1 mio. koruuninik annertussuseqarput, taakkunannga inunnit ataasiakkaanit akiligassat 84,7 mio. koruuniullutik.

Meeqqanut akilersuutininut akiitsut, siumut tunniunneqartartut 65,8 mio. koruuniupput, inunnit ataasiakkaanit kommunip pisassaanit procentinngorlugu 77,7 procentit naligalugit. Innuttaasut katillugit 1035-t meeqqanut akilersuutininut katillugit akiligassiisutininut 13.368-imut ataasiakkaanut akiitsoqarput. Inunnit ataasiakkaanit katillugit 3.712-nit kommuni pisasaqarpoq katillugit kommunimit pisassaallutik 22.633.

Innersuussut

Allaffeqarfimmit aningaasaqarnermut ataatsimiititaliamut innersuussutigineqarpoq

- 2025-mi februaarimut Aningaasaqarnikkut nalunaarusiaq akuersissutigineqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. 28.02.2025 Qeqqata Kommunianut oqimaaqatigiissitsineq
2. 28.02.2025 Akiitsoqartut naatsorsornerat.
3. Atugarissaarnermut, Ilinniartitaanermut Taknikkeqarnermut Avatangiisinullu ingerlatsivinnut 28.02.2025-mi aningaasaqarnikkut nalunaarusiat.

Imm. 3.2 Pillorissaasutut atorfiup Peqqinnissaqarfik peqatigalugu avitseqatigiilluni atorfinngortinneqarnissaa pillugu allannguutissatut qinnuteqaat

Journalnr. 03.00.07

Tunuliaqutaq

Pillorissaasutut atorfik pillugu suleqatigiinnissamut 6. februar 2025-mi peqqinnissaqarfik kommunimut saaffiginnissuteqarpoq, saaffiginnissummi kommuni atorfimmik Peqqinnissaqarfillu avitseqatigiinnissamut soqutiginnittoqarsinnaanerani apeqquteqarpoq. Saaffiginninneq peqqinnissaqarfimmi pillorissaasutut atorfeqarunnaanerani tunngaveqarpoq.

Maleruagassatigut tunngavigisaq

Kommunit aqunneqarnerat pillugu Inatsisartut inatsisaat 17. november 2017-imeersumi § 25 imm. 1 nr. 2-mi allassimavoq:

"§ 25, Aningaasaqarnermut ataatsimiititaliap suliassai tassaapput:

2) Akissarsianut sulisoqarnermullu tunngasuni suliassani tamakkiisumik isumaginninneq"

Pissutsit atuuttut

Timimik sungiusaasunik atorfinitsitsinissamut atatillugu atorfinnik marlunnik Peqqinnissaqarfik kommunilu avitseqatigiinnissamik december 2024-mi isumaqatigiissuteqarput, tamannalu ullumikkut ingerlalluarluni. Peqqinnissaqarfik timimik sungiusaasunik arlalinnut akissarsiatigut aningaasasaqartitsinnginnerinik aammalu kommuni timimik sungiusaasunik ataasiakkaanik, timimik sungiusaasutut tunuliaquteqartunik suleqateqanngitsunik orniginarsaasinnaannginera tunngavigalugit isumaqatigiissut pilersinneqarpoq.

Kommunimi nakorsaaneq timimik sungiusaasut pillugit assingusumik inissisimalersimallutik allagaqarput, allagaqarnerminnilu timimik sungiusaasut assigalugit pillorissaasutut atorfimmik avitseqatigiinnissamut soqutiginnittoqarneris apeqquteqarluni.

Qeqqata Kommuniani immikkut ilinniagalinnik, soorlu pillorissaasumik timimillu sungiusaasumik atorfinitsitsinissamik ajornakusoortitsivoq. Ukioq kingulleq pillorissaasumik namminersortumik kommuni isumaqatigiissusiorpoq, taannalu innuttaasut ikiuutini pisariaqartitsinerinik misissuinerimik kiisalu ikiuutini piniarnermik ingerlatsilluni.

Peqqinnissaqarfimmi maannakkut timimik sungiusaasut marluupput piffissap affaani kommunimik sullisserusuttut piffissallu affaani peqqinnissaqarfimmik sullisserusuttut.

Atuilluartuunissakkut kingunerisinnaasai

Kommuni maannakkut pillorissaasumik sulisoqanngimmat, siunnersuut inuiaqatigiinni atugarissaartuni atuilluartuunerunissamik pilersitseqataassaaq, tassani innuttaasut ikiuutini pisariaqartitsisut imminnut naleqqussakkanik pissarsisinnaalissallutik. Tamatuma saniatigut pillorissaasoq suleqatigiinni suliamikkut tapertariillutillu tapersersueqatigiittunut ilaalissaaq, taamaalillunilu aamma suliamini ineriartortuarsinnaalissalluni.

Aningaasaqarnikkut allaffissornikkullu kingunerisinnaasai

Maannangaaq atugarissaarnermut immikkoortortami sulisoqarnikkut amerlassusiliinermi atorfimmit inuttalerneqanngitsumit avitseqatigiilluni aningaasatuutaasussat aaneqarsinnaammata, aningaasartuuteqarnerunikkut aningaasaqarnikkut kinguneqassanngilaq.

Allaffeqarfiup naliliinera

Allaffeqarfiup naliliinerivaa, innuttaasut ikiorneqarnissamik pisariaqartitsinerat matussuserneqarnissaannut oqartussat arlallit imminnut taamatut ikioqatigiissinnaanerat pitsaasuusoq.

Innersuussut

Sisimiuni Atugarissaarnermut immikkoortortaqarfiup Atugarissaarnermut ataatsimiititaliamut innersuussutigaa akuereqqullugu

1. Avitseqatigiilluni atorfik (sap. ak. 1x20 tiimit) atugarissaarnermut immikkoortortami sulisut amerlassusiligaanerini suli inuttaligaanngitsumit aaneqassasoq.
2. Suliaq aningaasaqarnermut ataatsimiititaliamut ingerlateqqinneqassasoq

Atugarissaarnermut ataatsimiititaliap suliamik sularinninnera

Ataatsimiititaliap martsip 13-ani 2025 ataatsimiinnermini innersuussutit akuersissutigivai.

Innersuussut

Aningaasaqarnermut ataatsimiititaliamut akuersissanngorlugu innersuussutigineqarpoq

1. Avitseqatigiilluni atorfik (sap. ak. 1x20 tiimit) atugarissaarnermut immikkoortortami sulisut amerlassusiligaanerini suli inuttaligaanngitsumit aaneqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Sisimiuni atugarissaarnermut immikkoortortami sulisut amerlassusiligaanerinut takussutissiaq
2. Sisimiuni timimik sungiusaasutut suliassaqarfimmi suleqatigiinnissamat siunnersuut pillugu mail aamma allakkiaq 04.11.2024-meersut

Imm. 3.3 Sisimiuni Pisortat ikiorsiissutaannik pisartagaqartunik inuttut ineriartornissamut oqaloqatiginninnermik suliniummut atatillugu nuutsisoqarnissaanik qinnuteqaat.

Journalnr. 40.03.01

Tunuliaqutaq

Pisortat ikiorsiissutaannik pisartagaqartut Angerlarsimaffeqanngitsunullu unnuisarfimmik atuisuusut oqaloqatigineqarnikkut inuttut tapersorsorneqarnissamik pissarsitineqarunik imminut pilersorsinnaanissamut nukissaqalernissaat anguniarlugu allaffeqarfik suliniummik ingerlataqarpoq, taamaattumillu inuttut ineriartornissamut oqaloqatiginnittarnissamut neqeroorfigineqarput. Sisimiut illoqarfiani inunnut taakkununga oqaloqatiginnittarnissaq pillugu suliasamik kivitsisinnaanernut tulluartsuusumik suliffeqarfimmik inummit ataatsimit ingerlanneqartumik peqartoqarpoq.

Neqeroorut neqeroorutaavoq pitsaasoq aammalu 2024-mi decembarimi suliniut aallartinneqassasoq pilersaarutaavoq aamma akit pillugit 2025-mi januaarimi aammalu innuttaasunik pisortat ikiorsiissutaannik pisartagaqartunik ataatsimiittarnerit ikiorsiisarnermut immikkoortortamik suleqateqarluni pisassaaq.

Maleruagassatigut tunngavigisaaq

Pisortanit ikiorsiissutit pillugit Inatsisartut inatsisaat nr. 6, 20. juni 2022-meersumi § 18 imm. 1 naapertorlugut.

Qeqqata Kommuniani Atugarissaarnermut immikkoortortamut pisinnaatitaanermut pilersaarut naapertorlugu.

Qeqqata Kommuniani karseqarnermut naatsorsuuserisarnermullu malittarisassaani imm 3.3 naapertorlugu Kommunalbestyrelsi aalajangiisussaataavoq.

Pissutsit atuuttut

Suliniuummi inuit katillugit 30 pisortatigut ikiorsiissutinik pisartagaqartut aammalu Angerlarsimaffeqanngitsunut unnuisarfimmik atuisuusut peqataanissamut inuit sorliit tulluarnersut ikiorsiisarnermut immikkoortortap misissuiffiginikuuaa. Inunnit taakkununga inuit 19-inik peqataanissamut akuersaarnikuupput. Taamaattorli Inatsisartut inatsisaat naapertorlugu Ikiorsiisarnermut immikkoortortap neqeroorutigisaanut inuit taakku peqataanissaannik pisussaaffilertussaapputtaaq.

Aallarniutaasumik ataatsimiinnerit 2025-mi februaarip arfernani Amerlumi ingerlanneqarput, tassani Suliniummut siunertaasoq nassuiaatigineqarpoq ilutigitillugulu kisimiilluni oqaloqateqartarnissaq nassuiaatigineqarlunilu pilersaarusioneqarpoq. Oqaloqatiginninnerit Ikiorsiisarnermut immikkoortortap allaffiisa ilaanni Kommunip allaffiani ingerlanneqassapput. oqaloqatiginninnerit inernerinit eqikkaagallarnernik suliaqarnikuuvoq ilanngussaq 1-mi ilanngunneqartunik.

Oqaloqatiginninnerit inunnik 16-inik aallartinneqarpoq, tassani amerlanersaat maannamut marloriareerlutik tamarmik oqaloqatiginneqinnissamik naatsorsuuteqarsinnaallutik.

Inuit ataasiakkaat namminneq inooqataanikkut pissutsit apeqqutaallutik oqaloqatiginninnerit imaqarput, taamaattorli tamarmik ingerlariaqqinnissamik aammalu sakkortuumik pisunik

misigisimasaniq aqquusaagaqarnikuunerminnik suliarinninnissamik pisariaqartitsipput, tassani oqaloqatiginninnerit ajornartorsiutigisaannut aammalu inooqataanikkut ajornartorsiutinik allat eqqarsaatigalugit ineriartortarnikuullutik. Inuit taakku ingerlariaqqissagunik oqaloqatiginninnertut ittunik imaluunniit tarnikkut oqaloqatiginninnertut ittunik tapersorsorneqarnissamut pisariaqartitsisuupput. Inuit taakku ingerlariaqqinnissamut imminullu ikiorsinnaanissamut piumasuseqarnerulersimanerannik suliniuteqalernerannillu oqaloqatiginninnerit kinguneqarsimapput, ilaallu nammineq ineqannginnissamik toqqaanikuusut namminerisamik inissamik inissarsiorsimasut. Sapaatip akunneranut marloriarluni oqaloqatiginnittarnerit kingorna ilaasa ikiaroomartutut ittunik aanngajaarniutinik atuinnerminnik annikillisitsimapput, inuit ilaat ullormut arlaleriarlutik hashitortarsimagaluarput appartitsinissaminnilli aalajangersimallutik.

Maannakkut hashimik pujortarnissamiit allanik eqqarsarnerulernikuupput. Ingerlariaqqinnissamut aammalu ajornartorsiutigisaminnik tusaaneqarnissamut taakkulu iluarsinissaannut pisariaqartuusutut paasineqartoq oqaloqatiginninnerit kingorna assersuutit ilagiinnarpaat.

Ilanngussaq 1-itut ilanngunneqartoq tassaavoq, oqaloqatiginninnerit imarigallagaat inuillu aqqisa naggataasalu naqinneri kisiisa allanneratigut ilisarisassaajunnaarsitaapput.

Atuilluartuunissakkut kingunerisinnaasai

Allaffeqarfik naliliivoq, oqaloqatiginninnerik taakkuninnga tapersorsorneqarunik inuit peqataasut siunissami namminiilersinnaanissaannut ikiorneqarunik atuilluartuunerusoq.

Aningaasaqarnikkut allaffissornikkullu kingunerisinnaasai

Suliniut avataani siunnersortimik akissarsiaqartitsinikkut aningaasaqarnikkut kinguneqassaaq.

Inuit katillugit 19-it tamarnik pingasoriarlugit oqaloqatiginissaat naatsorsuutigineqarpoq, affaat tallimariarlutik oqaloqateqassagaluarpata, aningaasaqarnikkut kingunissat 75.000 koruunit missaani annertussuseqassapput.

Qeqqata Kommuniani pisinnaatitsinermut pilersaarut naapertorlugu Atugarissaarnermut immikkoortortamut pisortaaneq katillugit 75.000 koruuninik atuisinnaanermut pisinnaatitaavoq, kisianni Sisimiuni Atugarissaarnermut immikkoortortamut pisortaanerup sulisui Sulianut siunnersortinut Suliniummut aningaasartuutaasunik aningaasalersuinissamik aallerfiusinnaasoq missingersuuteqanngilaq, taamaammatt Suliniummut tassunga atatillugu missingersuutitigut nuutsisoqarnissaanut pisariaqartitsisoqarpoq.

Sisimiuni Ikorsiisarnermut immikkoortortap ataani siunertamut atorneqarsinnaasutut 2025-mut missingersuutini atuiffeqanngilaq, paarlattuaniq Maniitsumi Ikorsiisarnermut immikkoortortami Sulianut siunnersortinut missingersuuteqarpoq atuiffik: 552010000-1601010000-122140900-010570, 2025-mut 217.000 koruuninik missingersuusugaasoq aammalu 2025-mi februaarip 28-anni suli atuisoqarnikuunani,. Atuiffimmit tassannga katillugit 75.000 koruuninik atuiffimmut 551010000-1601010000-12214090-010580 317.000 koruuninik missingersuusiorfigineqar-nikuusumut aningaasanik nuutsisoqarnissaa Atugarissaarnermut ataatsimiititaliap akuersissutigissagaa allaffeqarfiup qinnuteqaatigivaa, siusinnerusukkut konto-mi tassani akissarsianut 120.000 koruuninik aningaasanik nuutsisoqarnissaanik qinnuteqartoqarnikuuvoq.

Atugarissaarnermut ataatsimiititaliap missingersuutitigut nuutsisoqarnissaa akuersissutigissagaa allaffeqarfimmit qinnutigineqarpoq, taamaalilluni Sisimiuni Suliniut aningaasalersorneqarsinnaaniassammat, imatut:

Eqitsit 1.

Immikkoortorta	Siunertaq	Art	Sumiiffik	Allaaserinera	Aningaasaliissutit	Missingersuutitigut nuutsineq	Nutaamik aningaasaliineq
552010000	1601010000	122140900	010570	Sulianut siunnersortit	217.000	75.000	142.000
551010000	1601010000	122140900	100580	Sulianut siunnersortit	317.000	75.000	392.000

Allaffeqarfiup naliliinera

Ikorsiisarnermut immikkoortorta namminerisaminik isumaginninnikkut siunnersortinik inuttut ineriartornernik suliarinnissinnaasunik peqanngilaq, taamaattumik inuttut ineriartornissamut siunissamullu tikkuunneqarnissamut Pisortat ikorsiissutaanik pisartagaqartut siunnersorneqarnissaat pisariaqarnikuuvoq. Kiisalu allaffeqarfiup nalilernikuullugu, inuttut ineriartornermut atatillugu kommuniip ingerlanneqarneranit avataani siunnersortimik atuisoqarpat oqaloqatiginninnerit eqqissimasumik sunniuteqarnerusut aammalu inuk ineriartornissamut imminut eqqarsaatiginerussasoq pisortaniillu ikiorneqarnissaq utaqqiinnarnagu. Taamaattumik allaffeqarfik isumaqarpoq, inunnut taakkununga namminneerlutik imminut ikiorsinnaanermut aqutissiuunneqarunik annertuumik kaammattuinerusaq.

Allaffeqarfiup aammattaaq nalilerpaa, oqaloqatiginninnissanut taakkununga pisariaqartitisoqarnikuusoq, inunnut taakkununga tusarnaarneqarnissaq tusaaneqarnissarluk annertuumik isumaqartoq aammalu ilai misigisimapput maannakkut siumut ingerlariaqqissinnaalerlutik aammalu atornerluisuujunnaarnissamik eqqarsaateqalernikuullutik.

Innersuussut

Atugarissaarnermut ataatsimiititaliamut innersuussutigineqarpoq,

1. inuttut ineriartornissamik oqaloqatiginninnerit pillugit suliniut akuersissutigineqassasoq
2. suliniummut katillugit 75.000 koruuninik aningaasartuutit akuersissutigineqassasut.
3. katillugit 57.000 koruunit atuiffimmit 552050000-1601010000-122140900-010570 missingersuutitigut nuutsinneqarnerat akuersissutigineqassasoq, taamaalilluni atuuffik taanna 2025-p sinnerani 142.000 koruuninik missingersuuteqassalluni
4. katillugit 75.000 koruunit atuiffimmut 551010000-1601010000-122140900-010580 nuutsinneqarnissaat akuersissutigineqassasoq, taamaalilluni atuuffik taanna 2025-mut 392.000 koruuninik missingersuuteqassalluni.
5. suliaq Aningaasaqarnermut ataatsimiititaliami Kommunalbestyrelsimilu suliareqqitassanngorlugu ingerlateqqinneqassasoq

Atugarissaarnermut ataatsimiititaliap suliamik suliarinninnera

Ataatsimiititaliap martsip 13-iani 2025 ataatsimiinnermini innersuussutit akuersissutigivai suliarlu Aningaasaqarnermut ataatsimiititaliamut kommunalbestyrelsimullu suliareqqitassanngorlugu ingerlatinneqassasoq aalajangiuppaa.

Innersuussut

Aningaasaqarnermut ataatsimiititaliamut innersuussutit akuerisassanngorlugit ingerlatinneqarput suliarlu kommunalbestyrelsimut suliareqqitassatut ingerlatinneqassasoq

1. inuttut ineriartornissamik oqaloqatiginninnerit pillugit suliniut akuersissutigineqassasoq
2. suliniummut katillugit 75.000 koruuninik aningaasartuutit akuersissutigineqassasut.
3. katillugit 75.000 koruunit atuiffimmit 552050000-1601010000-122140900-010570 missingersuutitigut nuutsinneqarnerat akuersissutigineqassasoq, taamaalilluni atuiffik taanna 2025-p sinnerani 142.000 koruuninik missingersuuteqassalluni
4. katillugit 75.000 koruunit atuiffimmut 551010000-1601010000-122140900-010580 nuutsinneqarnissaat akuersissutigineqassasoq, taamaalilluni atuiffik taanna 2025-mut 392.000 koruuninik missingersuuteqassalluni.
5. suliaq Aningaasaqarnermut ataatsimiititaliami Kommunalbestyrelsimilu suliareqqitassanngorlugu ingerlateqqinneqassasoq.

Aalajangiineq

Innersuussutit akuersussutigineqarput.

Ilanngussaq

1. Oqaloqatiginninnerit inernerigallagaannik eqikkaaneq inerniliinerlu

Imm. 8.1 Tamalaat